

清明诗句大全

1.
年年泼火雨，苦作清明寒。——梅尧臣《次韵和长文紫微春雨二首·年年泼火雨》
2.
杨柳池边独倚阑，清明时节雨生寒。春风不是我憔悴，今岁莺花自懒看。
——释行海《清明日作》
3.
柳如眉，云似发，鲛绡雾縠笼香雪。梦魂惊，钟漏歇，窗外晓莺残月。
几多情，无处说，落花飞絮清明节。少年郎，容易别，一去音书断绝。
——魏承班《渔歌子》
4.
迟迟春日弄轻柔，花径暗香流。清明过了，不堪回首，云锁朱楼。午窗
睡起莺声巧，何处唤春愁？绿杨影里，海棠亭畔，红杏梢头。——朱淑
真《眼儿媚·迟迟春日弄轻柔》
- 5.了知空洞元无物，须信清明自有神。——仇远《集虚书院》
6.
东风也作清明节，开遍来禽一树花。——陈与义《清明二绝·街头女儿
双髻鸦》
7.
处处哭声悲，行人马亦迟。店闲无火日，村暖斫桑时。泣路同杨子，烧
山忆介推。清明明日是，甘负故园期。——许浑《途中寒食》

8.
清明才过已到此，正见洛阳人寄花。——梅尧臣《次韵和永叔尝新茶杂言》

9.
芳原绿野恣行时，春入遥山碧四围。兴逐乱红穿柳巷，困临流水坐苔矶。
莫辞盏酒十分劝，只恐风花一片飞。况是清明好天气，不妨游衍莫忘归。
——程颢《郊行即事》

10.两岸人家插杨柳，不知今日是清明。——全室宗泐《吴松江逢清明》

11.
一杯麦饭洒悲辛，不尽烟芜旧与新。地下岂无担板汉，世间但有乞墦人。
荼靡芍药几何日，寒食清明又一春。自是老怀多感慨，非干芳草负蹄轮。
——方岳《上冢》

12.
西江南望渺天涯，岁岁清明不在家。荡日飘风无定著，乱人情思是杨花。
——杨士奇《清明有感》

13.
微风帘幕清明近，花落春残。——冯延巳《采桑子·小庭雨过春将尽》

14.
三日舟行风打头，春愁那更值羁愁。一年谁似清明节，忍向天涯除破休。
——赵蕃《舟中清明》

15.清明时节雨声哗。潮拥渡头沙。——张炎《朝中措·清明时节》

16.
遥夜亭皋闲信步，乍过清明，早觉伤春暮。数点雨声风约住，朦胧淡月云来去。
桃李依依春暗度，谁在秋千，笑里低低语。一片芳心千万绪，人间没个安排处。
——李煜《蝶恋花》

17.帝里重清明，人心自愁思。——孟浩然《清明即事》

18.

处处逢花，家家插柳。政寒食、清明时候。——戴复古《锦帐春·处处逢花》

19.

雨歇桃繁，风微柳静，日淡湖湾。寒食清明，虽然过了，未觉春闲。行云掩映春山。真水墨、山阴道间。燕语侵愁，花飞撩恨，人在江南。——张履信《柳梢青》

20.

耕夫召募逐楼船，春草青青万顷田。试上吴门窥郡郭，清明几处有新烟。——张继《阆门即事》

21.

原上烟芜淡复浓，寂寥佳节思无穷。竹林近水半边绿，桃树连村一片红。尽日解鞍山店雨，晚天回首酒旗风。遥知幕府清明饮，应笑驱驰羁旅中。——司马光《寒食许昌道中寄幕府诸君》

22.

社鼓冬冬催谷雨，炊烟续续过清明。——钱谦贞《清明后晚出北城至顶山寺登白龙庙作》

23.

客路逢寒食，清明未到家。起居须药饵，饮食任鱼暇。水净垂垂柳，风迟艳艳花。兴来随处乐，不复问年华。——曹勋《上塘值清明》

24.

曾识清明上巳时，懒能游冶步芳菲。梨花半落雨初过，杜宇不鸣春自归。双冢年深人祭少，孤山日晚客来稀。江南尚有余寒在，莫倚东风褪絮衣。——仇远《次胡苇杭韵》

25.日暮汉宫传蜡烛，轻烟散入五侯家。——韩翃《寒食》

26.霁日园林好，清明烟火新。——祖咏《清明宴司勋刘郎中别业》

27.清明郊外好，朱墨幕中忙。——曾丰《静坐》

28.
春来天气半阴晴，那更奔驰一月程。又恐花时成草草，还家插柳佐清明。
——叶茵《归途》

29.
清明上巳西湖好，满目繁华。争道谁家，绿柳朱轮走钿车。——欧阳修
《采桑子·清明上巳西湖好》

30.
天红浓绿总教回，更待清明谷雨催。——晁补之《次韵李秬约赏牡丹》

31.
匆匆清明了，能馀几许春。花开更风雨，肠断惜春人。——孙应时《和李季章校书西湖即事三首》

32.燕子催将初度，梨花指定清明。——方岳《西江月·燕子催将初度》

33.
清明时节雨纷纷，路上行人欲断魂。借问酒家何处有？牧童遥指杏花村。
——杜牧《清明》

34.
夜夜春寒渐觉轻，桐花十日过清明。去年稔更今年稔，壬子晴兼甲子晴。
楼阁相望饶客醉，干戈不用保农耕。老儒八十心无事，依旧吟窗剔短檠。
——方回《三月十八日甲子晴》

35.
寒食家家出古城，老人看屋少年行。丘垄年年无旧道，车徒散行入衰草。
牧儿驱牛下冢头，畏有家人来洒扫。远人无坟水头祭，还引妇姑望乡拜。
三日无火烧纸钱，纸钱那得到黄泉。但看垄上无新土，此中白骨应

无主。——王建《寒食行》

本文链接：<https://duanjuziku.com/duanjuzi/k7xl1gqlgh.html>